

## **CENTRALNA BANKA**

### **BOSNE I HERCEGOVINE**

Broj: 150-15-4-2117- 5 /20 SAK

Sarajevo, 30.11 2020. godine

Na osnovu člana 69. stav (2) tačka d) i člana 70. stav (1), stav (4) i stav (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

### **O D L U K U**

**o poništenju postupka javne nabavke robe – softver za upravljanje procesom planiranja, provođenja javnih nabavki, nadzora provođenja ugovora i okvirnih sporazuma, putem otvorenog postupka**

#### **Član 1.**

Ovom odlukom se poništava otvoreni postupak za nabavku robe – softver za upravljanje procesom planiranja, provođenja javnih nabavki, nadzora provođenja ugovora i okvirnih sporazuma, procijenjene vrijednosti u iznosu od 30.000,00 KM (slovima: tridesethiljada konvertibilnih maraka i 00/100), iz razloga što nijedna od primljenih ponuda nije prihvatljiva.

#### **Član 2.**

Centralna banka će o rezultatima provedenog postupka javne nabavke obavijestiti ponuđače.

#### **Član 3.**

Za realizaciju ove odluke zadužuju se Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

#### **Član 4.**

Ova odluka će se objaviti na web stranici Centralne banke Bosne u Hercegovine, [www.cbbh.ba](http://www.cbbh.ba), istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

### **O b r a z l o ž e n j e**

Postupak javne nabavke robe – softver za upravljanje procesom planiranja, provođenja javnih nabavki, nadzora provođenja ugovora i okvirnih sporazuma, putem otvorenog postupka, pokrenut je Odlukom o pokretanju postupka, broj: 150-15-4-2117-2/20 SAK od 30.10.2020. godine. U skladu s tim, Centralna banka je 06. novembra 2020. godine na portalu Javnih nabavki objavila Obavještenje o nabavci broj: 1370-1-1-389-3-282/20.

U predviđenom roku za dostavljanje ponuda, odnosno do 23. novembra 2020. godine, blagovremeno su dostavljene dvije ponude ponuđača:

1. Address d.o.o. Sarajevo i
2. Guinea d.o.o. Vitez.

Komisija za provođenje postupka javne nabavke je izvršila pregled i ocjenu blagovremeno pristiglih ponuda i konstatovala da ponude ispunjavaju sve uslove u pogledu opisa predmeta nabavke i tehničke specifikacije.

Ponude ponuđača Address d.o.o. Sarajevo i Guinea d.o.o. Vitez su neprihvatljive iz razloga što su oba ponuđača dostavila kopiju aktuelnog izvoda iz sudskog registra koji nije ovjeren u cjelosti. Ovjerena je samo zadnja stranica kopije dokumenta, što nije prihvatljivo.

Shodno navedenom, Komisija za provođenje postupka javne nabavke je u u svom Zapisniku o pregledu i ocjeni ponuda, broj: 149-15-4-2210-6/20 od 26. novembra 2020. godine i Izvještaju o radu komisije sa Preporukom broj: 149-15-4-2210-7/20 od 26. novembra 2020. godine dala preporuku za donošenje odluke kao u dispozitivu.

**Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

  
**GUVERNER**  
**dr. Senad Softić**

**Dostaviti:**

- guverneru
- viceguvernerima
- uredu glavnog internog revizora
- Predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)
- arhiva